

220131



S. Thomas Aquinas

Ostrowski Lucas Soc. Cynthia Aquinastica cultu  
panegyrico praesentata,

Feol. 5357.







CYNTHIA  
AQUINATICA  
DIVVS THOMAS  
AQUINAS

In Reuoluta Annuali ejus festiuitatis die  
IN BASILICA S. DOMINICI ORD: PRÆDIC:  
Celeberrimi Conuentûs Posnaniensis.

CULTV PANEGYRICO

PER

M. LVCAM IOSEPHVM OSTAWSKI.

*In Alma Vniuersitate Craconiensi Philos: Doctorem, ac tunc temporis  
in Lubransciano Collegio Academiae Posnaniensis Rhetoricæ Professore.*

Anno

IN MVNDO CHRISTVS QVI VIRGINIS VBERA SVXIT,  
SVGERET VT NON QVIS VIRVS IN IGNE PRIVS.  
Ipsis Nonis Martij.

Magnæ Magnorum Virorum coronæ.  
PRÆSENTATA

Atq.

MAGNO NOMINI & HONORI.

ILLVSTRISSIMI ac MAGNIFICI DOMINI



D. JOANNIS

DE BNIN

OPALENSKI.

CAPITANEI SREMENSIS

*in signum Academicæ propensionis.*

Anno, quo in Mundum Dei

FLIVS EXCEPTVS DIGNATVR MVNERE TRINO.

DICATA.

POSNANIÆ, In Typh: Rñdi D. Alberti Laktáński.



In Insigne  
ILLVSTRISSIMÆ DOMVS  
OPALENIÆ.



220731 III

Si tulit à longè NAVIS selecta MARIA  
In Mundum PANEM, si tulit & Cererem.  
Virtutis pia sedes OPALENIA NAVIS.  
Fert hodie LVNAM, cum tulit illa PHANEM  
Cynthia si felix dum Canceri scandit in astrum  
Nostra beator est LVNA sacra Tibi.



ILLVSTRISSIMO ac MAGNIFICO DOMINO

D. JOANNI

DE BNIN

OPALENSKI.

CAPITANEO SREMENSI

Dño Patrono ac Mecœnati Academico.



*Augustam cuius exambiret contra oborientes atra inuidia tenebras Protectionem, iterum hodie oriens AQUINATICA CYNTHIA non angemuit, ubi eam quæreret, cum præsto in Gentilitia Tua inuenit NAVI ILLVSTRISSE ac MAGNIFICE DOMINE DOMINE ac PATRONE. Habuit equidem hæc Solis fida socia tot in Sarmatico Orbe Illustrissimas Domos, quæ non ad instar Cleantis radiantis facis radiare unquam, dum in regulam Astrorum Principis tantò magis fulgere in origine, quantò magis hodie Orbi commendantur. Habuit Sanctissima hæc tot in Patriam amore Codri, amore Curtij: tot in Ecclesiam amore Pij astuantes an satius ardentem loquar, quarum sese insinuaret Protectioni familias, nisi omnium optime Illustrissimam tuam, quia munificentissimam OPALENIORVM Domus incendens Gentilitiam Navim, in ea asylum, in ea quæreret tutamen, vel sic in Fortunatas ventura Insulas. Nec sane immeritò Tuum in Navi Opalenia expertura expectat CYNTHIA HÆC Patrocinium, quæ merita Magnorum Virorum gratiam, in eadem nunquam adequanda honoribus merita meditatur. Quid ni Illustrissima Comitum Aquini Familia in D. AQUINATE THOMA sibi intra puppim Argonautis Tuæ petere locum non audeat? in qua Nobilitatis Potestate, in qua Magnorum Domorum stemmata sibi Augem proposuere, modò hic situari mereantur. Hic Romanas ultra Lunas, luce ac lumine infinitæ stationariam egere DANIELOVICIORVM LVNÆ mansionem, vel hoc solo à caelesti degenerarunt Cynthia, quòd stationaria. Hic Viennarum in igneo zelantis spiritus LESCINSIANÆ Domus VRO decor, Canariarum petijt Insularum oras. Non insignis Rauciana Familiae thesauri, nisi si non omnis, maxima tamen de Opalenia NAVI PRZYEMSCIANÆ proderet gloria Domui. Fasciata vel hodie primum Fortuna Gentilitiæ CZARNKOUIANA ac Zbasziorum Domus Fasciata, dum Tuæ Navi ipsa Fascia Fasciata. Tanto citius FIRLEIOVIANÆ Domus Leopardus in metam procurrat honoris, quantò arctius iunctus NAVI cum ea agonem Virtutis ardentius egit ac feliciter peragit. Nec vel inde atro damnanda calculo infimi audacia Oratoris, quòd tantorum Luminum centrum, OPALENIAM petat NAVIM Lubransciana hinc in Antiquissimam Domum deuotionis vigor, cum & Pinus Gentilitia Academicarum Fundatoris Musarum Opalenia sese concedidit NAVI, vel in Musis Academicis æternum ut floreret, vel in NAVI hac Platonice ut perennaret annis. Semel quondam Deorum in Pandoram commendatur gratia, est in Maximam Domum Tuam toties reuiuiscet Academica Palladis, ac totius Nostri Parnassi obligatio, quoties in se suaque reuoluitur vestigia annus: eoque non aget Memnonem calamus ac lingua nostra, etiam in Syracouensi lapide, donec vel Academicum perennabit Nomen, vel OPALENIA Argo immensum immortalis gloria tranabit aquor. Fert gratiam feretque non ingratam ILLVSTRISSE VIR ILLVSTRISSIMORVM Antecessorum Tuorum memoriam Posnaniensis*



gussis Academia, quorum eo magis obtenebror ego claritudine, quò maiores in me experior  
 celebrandi Nominis eorum tenebras. Vel tunc maxime secundis usa fuerat diebus Schola  
 Academica, cum Illustrissimum IOANNEM de Bnin OPALENSKI Palatinum Posnaniensem  
 Auum Tuum, cum Illustrissimum IOANNEM Capitaneum Innołocławicensem, IOAN-  
 NEM LEOPOLDVM Castellatum Naclensem Patruos Tuos: cum Illustrissimum CON-  
 STANTINVM Patrem Dignissimum Tuum, intra Lubransianos parietes Scholasticis oc-  
 cupari lugubrationibus, gaudebat: ubi fidos Musarum ac Academicæ propensionis secta-  
 tores dies noctibus miscentes, diligentes viserat alumnos. Hodie enim verò, cum tunc O-  
 PALENIAM NAVIM viuam, hodie inquam etiam vestigia eius veneramus, cum Genti-  
 litium insigne hoc non adeò inuidens nobis atas corripit in animis nostris, ut illud in lapidi-  
 bus non Phidias sculpat, non Apelles pingat, quia grata memoria. Ac licet si non parca Py-  
 rata vita humana in NAVIM hanc pyratice egerunt Parca, dum eius decus, Patriæ  
 Herculem, Ecclesiæ Alexandrum, Nostrum Achillem Illustr: Patrem Tuum atra vibrato  
 in eum telo, adeò perculserunt, ut illi vita, Tibi Genitor, omnibus adimeretur Pater, ma-  
 stis tamen animis vel hoc solum in lenimentum, in solatium crescit, Illum Te talem genu-  
 isse, in quo viua ipsius idea, Nobis Munificentissimus renasceretur Patronus. Iam si in  
 tota Illustrissima OPALENIÆ Domus NAVI suam habeat Academica Schola felicitatem,  
 vel à Te etiam non ultimam sperat beatitudinem, qui cum sequax sanguinis Paterni sis,  
 non minus Virtutis, etiam in Nos non dedignaberis, etiam in Musas nostras agere Mece-  
 natem, quæ tanto Tibi mancipata magis, quando virum literis digniorem à primis vnguibus  
 hucusq; agis. Dignum laude virum semper Musa vetat mori, nec Tuum Nomen unquam  
 tenebris inuolutum debitâ destituetur Panegyri, quod cum Magna Tua gesta, etiam litera  
 facient perennare. Equidem non nostræ modo Tibi Vætigal propensionis rendere debent,  
 etiam Tiburis in Tuum Nomen celebrandum agit Nilum. Vidit Te Orbis Polonus prima in  
 etate sedulum Philippidem, tantò sedulius honestissimis insudantem artibus, quando melius  
 didicisti Martiales animas & Martem Artem commendare. Vidit Te exotica Italarum  
 ora nouum Platonem an Pythagoram, ubi omnem in Te mirata virtutem, didicit Polonos  
 nunquam non Magnos, etiam in adolescentibus annis. Videt Te interea ac suum veneratur  
 prona Patronum Patremq; simul Sremensis Ciuitas, qui eius geris Capitaneum. Non  
 potuit cui melius in honorem hic cedere, quam qui legum custos, immunitatum conseruator,  
 boni publici foret medella. Querant alij honorum titulos, OPALENIAM NAVIM ipsi  
 sectantur honores, cum & Sremensis Capitaneatus non cui cessit, non alibi felicem stationem  
 petere tentauit, quam in Meritorum ditissima NAVI. Ferat iam neclatq; coronas suis anti-  
 quitas Pij, suis Ciuibus, fert Tibi feretq; dudum & Polona memoria honorem, qui vel hodie  
 indemnitati Domus prouidisti cum Illustris: Prosapia KONARZEWIANÆ per sacra Cōnubia  
 Te Tuamq; iunxisti NAVIM, ut Magnorū Sanguinum Decus sic in Magna spei Nato peren-  
 naret IOSEPHO. Atq; tantis in Te Virtutibus cum Musa, cum calamus meus nequeat  
 condignas in ultimum neclere periodos, hoc vel illis sufficiat se celebrando Nomini Tuo,  
 celebranda OPALENIÆ Naui esse consecratos, etsi impares oneri gerant vices. Sed de-  
 sino iam verecundum calamum peccare impotentiâ, & Tuis tantum pedibus cum illum,  
 cum Academicam gratiæ Tuæ submitto propensionem. CYNTHIAM AQUINATICAM  
 D. de Aquino THOMAM in Academici contestationem officij Tuo cum consacro Nomini &  
 Honori, Tuæq; Illustrissimæ dum concredo NAVI, Manibus simul eandem protegendam of-  
 fero,

ILLVSTRISSIMÆ & MAGNIFICÆ DOMINATIONIS.

Humilis seruus

M. Lucas Iosephus Ostrowski, Phil: Doct:  
 Mathes: in Acad: Posn: Proff:



# ORATIO.

**R**Adiantia Cælorum Sydera nouis artibus inter Mortales cogere, & sublimem illam Poli Majestatem ad humile terrarum consortium prouocare, ipsius Naturæ voto opus periculosa plenum alicui, & magni moliminis argumentum. A A. Stupendum illud vniuersi artificium magnitudine suâ mortalem linguam, mentem, conatumque excedens, firmissimâ lege & suauis ordine singula quæque ita suis cancellis distinxit, vt in tanta varietate infima æquè ac suprema citra luctam omnem ordinatâ statione & cursu palam æternam Omnipotentis manum testarentur. Intra viscera terræ occupat sua metalla obductus callo Vulcanus, & laboriosa illa ministrantium turba Brontes Steropesque venarum exquirunt pretia, ampla hæc terrarum spatia Ceres & venusta Flora frugibus simul ac decoribus onerant, pelagus immensum Neptunus iniquis Naiadesque perpetuis æstibus miscens; altiozem Cæloque ipsi confinem plagam Auster, Subsolanus, & impiger Aquilo sub cura habent, excubiasque gerunt, vt tantæ excellentiæ fabrica placido consistat gradu. Ita multominus illapsa terris astra mundus salutauit, quibus æterna data lex in Cælo commorari, nec illa etiam in depressum orbem de excelso properant Firmamento. Homini nec concessum in cælum euolare, cui Natiuum est, vt viuens in sublimem non ascendat luminarium Majestatem. *a* Phæton tentauit Cælo detrahare solem, Terræ detractum dare, luget & ipse temerarij ausûs sui pœnas & Æthiopia, hucusque agit pœnitentiam. *b* Assurrexit in superba vota ignea Gignitum cupido, qui pertæsi humanæ conditionis, Cælum & stellas conscendere cogitantes, in montes abiuerunt. Sed vana eorum curiositas; Stellæ Cæli mouent in eos cum Ioue fulmina, nec Mortales sinunt secum conuersari. *c* Icarus in Cælum de Terra cum tendit, vt Homo in stellam abeat, inuenit perenne sui exitium in æstuantis pelagi aquis, atque hæc infelicitas, vt neq; in Terram de Cælo descendant sydera nec in Terra nascantur. Enim verò non ea solius cæli dignitas stellis in æternitatem commendari habet & Terra sua luminaria, à quibus in subsequenter posteritatem illustratur. Planetæ & Astra nullius ornamenti cælo sunt, nisi Terræ ut vniuersæ seruiant, motu, luce, influentijs vt sublunaribus profint. Summi Regnorum moderatores, ingenij Imperiorum Cives non tantum decoris quantum utilitatis Regno ferunt. Detrahantur de Firmamento stellæ de sphæris Cæli Planetæ, continuus in latepatenti Orbe horror, crassæ inter Mortales umbræ, atra sine die nox, vita ipsa iam mors. absint à Regni moderamine summi senatus Ordines, magni imperij viri fatalem potius exitum salutabit imperium, quam constantem nanciscetur gloriam, nec salutis prius attinget portum, quam naufragium patietur. *Ita virtus ac sapientia in summis valet ac refulget viris, vt eos lucem mundi efficiat.* Cum ego hodierno die Diuinissimum contemplor Doctorem THOMAM, ac in eius assurgo gloriam, nouum Sydus Orbi Romano in Prædicantium Religiosorum Illustrissimo Cælo, toties didici



didici contemplandum. Iridem quondam venerabimini A. Magnum Doctorem: quia Pathetica oratione deductum accepistis. Solem Aquinaticum nuper Angelicum Magistrum. Hodie non laudatoriam etiam vocem ex me audietis, *nam pro dignitate laudari nequit, qui plusquam laudanda profert:* & Cui unicus fons eloquentiæ Increatus, Cælestis Academiæ de Crucis Cathedra perorans Incarnatus sufficit Orator, *d. Bene scripsisti de me THOMAS.* Exorientem nunc, vel æquius à tot annorum serie ortam cernetis in Cælo Domini CYNTHIAM AQUINATICAM DIVINISSIMUM THOMAM, Magis hinc adoranda silentio Majestas tua foret, quàm gloriæ miracula citato verborum cursu adumbranda DIVINISIME DOCTOR, etiam in Isthmo ac Bosphoro orationis meæ, laudum Oceanus es. Immo quantò lux tua DIVA CYNTHIA est celsior & magis uerticilis, tantò major in me umbra. Peccare tamen, malui, quàm aut studiosum affectum non proferre, aut Doctoralem Tuum non sequi: malui obsequens displicere, quàm desidiosus placere. Permittes ergo jam, qui lux lucidissima es, à me sub symbolo CYNTHIÆ, Te videri, cum & ipsa Magni Dei SSima Mater Poli Regina, *e Pulchra ut Luna sit:* ut eò deuotiori oculo in umbra sermonis & sub umbra tua splendorem, gloriæ & lucem meditemur. Affulget iam splendor CYNTHIÆ Aquinaticæ tenebris meis, Vestrum adhuc attentionis ac humanitatis expectant radium: fauete attentis auribus placidoque animo: A: beneuolam apud vos mercor humanitatem, qui lucem luminaris huius in umbra orationis estis conspecturi.

Vellem Deus Immortalis fecisset A: ut Cælo potius soli gratias ageremus, quàm Terræ cælestes honores quæreremus: prouidisset Rerum Domina ut in sublimi sublimia sola, in terrestri Rep: terrestria non Cælestia fundarentur: sed abiit in extremum humana auiditas, & Cælum sibi in Terra, fabricauit. *f. Ferreum aurei quondam sæculi Filium, cui ludo ac joco sanguis humanus fuit, Neronem: siue accepit siue vidit Orbis, Cælum in Palatio, quem proscripsit superius, fabricasse Sibi, vel ab ipso diues auro, à pretiosis æstimabile unionibus, ab artificioso mirandam opere: in ejus decus, quid quid Terra Nobilitatis, Auarum mare quidquid à scientia hominum secreti habuit, Cælum quidquid à stellis & sphæris ornamenti, totum detulit: ut Romæ tunc genitum credidisses Cælum. Enimvero meliori tibi donatur cælum lege Religiosissime Prædicatorum Ordo, humeris securius Tuis imponitur, cuius Noxum Athlantem DOMINICVM nunquam fessum, semper festum admiramur. Pridem terno decreto Dei castigaretur Orbis, ni Tuus SSimus Pater sese cælo opposuisset fulminanti. Cælum es, non Neronianum illud, aut Zoroastris, quod cum ruente contabuit tempore. Cælum non emendicato affulgens splendore Natiuo sanè in inuidiam alijs assurgens, qui dum proprio nequeunt saltem alieno tentant commendari. Desinat superbire, Cælum: cui in Magnitudinem laudis & stellarum Diuina concludendo assurgit vox. *g. Numera stellas si poses.* Habes in Firmamento Tui, quo cum Cælo contendas, splendore ac Multitudine impares. Ne capitis loquar acumen huius fundamentum Veritatis in Archivo Conuentus Cracouiensis consignatum appello. Cælo mente, Terræ pedibus immersus graditur per Ecclesiam Religiosus, Et ne cæli dignitatem cogitans, Terrestrem seponat, audit & cælo credit. Quot gressus facis, tot corpora Sanctorum premis. Sed Cynthiam Diuinissimum THOMAM res poscit & ordo contemplandam. Scrupulosus renuo esse in scrutando Diuinissimi Planetæ motu, patiatur beneuo-*



lus Astronomicus Auditor à me proponi CYNTHIÆ nostræ aspectus, quos  
 nec Ephemeris derogat Orbi. Nouilunium, Quadraturas, Plenilunium.  
 Nouilunium Politicus credidit tunc esse oculus. Lunam Soli junctam nec  
 orbi nec nocti inferuire, cum nouit: altius Synodum Vranie scrutatur, li-  
 nearum Medij Motus Lunæ lineam medij Motus Solis conuenire cognatam duorum  
 societatem. Clarissimæ CYNTHIÆ nostræ terret calculus meus notare  
 Nouilunium, cum nec ortum: prælusit luci oriundæ BONVS prædicans  
 Bonum Eremita, de Dodonea Eremita sua exit cælestem speculaturus grati-  
 am, Genethliacum antequam nascitur THOMAS scripsit Thema; Bonus A-  
 strologus de optatissimo Infante refert Prognosim. *Totum fore lucem sapientiæ  
 & scientiæ Orbem illustraturum Totum.* Et jam votis orbi demissus oritur Infans,  
 claritudine sui cælestem non adæquans vincens etiam Lunam. Nascitur de  
 Illustrissima Aquinatum Comitum familia, cuius splendor tot Orbis diffusus  
 latifundijs, tot Principum, Regum Siciliæ ac Aragoniæ luce Majestatis robo-  
 ratus, Vnicum THOMAM in sui delictum edidit: nisi ille illustrioris in gra-  
 tiam assurrexisset Domus. Nascitur Landulpho Comite Aquini & Theodoræ  
 ipse THOMAS Theodorus. *Quia Donum Dei.* Magna domus lux, nisi maio-  
 rem expectet. Iunctus sanguine THOMAS Illustrissimæ magnis sanguinibus  
 comitatæ Comitum Familiæ, sed ne natus splendor eclipsetur sine lucem  
 inaccessibilem inhabitante, properat CYNTHIA ad Solis coniunctionem, & in  
 sacra fontis Baptismi aqua noua Synodus THOMÆ cum THEO. CYNTHIÆ  
 cum Phæbo. Consurgete sæcula ad orientem Diuinissimi Nouilunij, & in a-  
 scensu eius in Auge summa, Vestrum locate Perigæum. Sacra inter sanctas  
 fluminis aquas Christi cum THOMA coniunctio, & superbis clarior fuit lu-  
 minaribus: etiam tamen secundo Tenellus Planeta jungi properat. *i Electæ  
 ut Sol.* Fabulam ne veneror ignoro, Lunam in occasu suo turbidæ Oceani  
 dari aquæ, & cum sonitu occidere. Luna nostra Lucidissimus THOMAS  
 in ortu suo inter pueriles Thermas aquis infantiam abluentibus cum corpus  
 dat, animum suum Oceano gratiarum Mariæ immergit. Nihil prius primis  
 delibans labris, quàm ad Baptismi aquas Credo, ad calidas undas Aue Mari-  
 anum discens, sic felicissimè alphabetum auspicaretur. Parce Diuue Doctor  
 quisquis in barbam turbidæ conclusisti adolescentiæ. *m Difficile est admodum  
 de iuuenibus diuinare, est enim ætas incerta, sine scopo, multis mutationibus obnoxia, &  
 alias aliorum agitur.* En Nouus Thales iudiciariam de eis exercet Tullius. *n Stu-  
 dia quæ sunt in adolescentia tanquam in herbis significant, quæ virtutis maturitas, &  
 quanta fruges industriâ sint futura.* Benè victurum diuinasses quinquennem  
 nunc THOMAM qui intra Benedicti Ordinem uirtuti ac literis studet; cre-  
 ditur educandus, unde lucem orsurus erat pietatis. *o* Luget Alestrion in  
 mundo pœnas suæ oseitantiæ, aduenienti non assurrexerat Soli diuturnis va-  
 cans somnijs, nunc dormiente die gemit canendo. Vidisses diligentem THO-  
 MAM etiam Auroram ipsam excitantem, ut fugientem prænotaret noctem.  
 Vidisses altis noctibus diuino intentum cultui studiosum. cui de die obstabat  
 studium, altius & noctes ipsas amoris Diuino facientem uectigales, Et jam  
 Nouilunio CYNTHIÆ Nostræ, splendidissimæ Aquinaticæ stirpi, Lucidissimo  
 Soli Iustitiæ Deo, Clarissimæ lucis æternæ sedi Mariæ. Fulgentissimo Bene-  
 dictinorum Lumini Collegio juncto, liceat apponere cum Francorum Regi-  
 na. *Ea lux serenitatem adfert.*

Atq; mirantur quartam Lunæ partem humani oculi, cum Quadra-  
 turam in Cælo oriri, & lineam Medij Motus Lunæ lineam. *Augis Excentrici*  
*h in Vita Diui* *i* *Cant: 6. l Polydonus* *m Theophilactus*  
*n Cic: pro Cælio.* *o Lucianus.* *oppom*



opponi didicerunt. Vix emensus decennale uiuendi tempus Angelicus ad-  
 lescens, perosus & natium decus quod eclypsari, & bona quæ rapi posse  
 sciuerat, in illa toto votorum ambitu conari cæpit, quæ nec dari queunt,  
 ab hominibus nec auferri. Virtutis suæ quod splendidius diffunderentur ra-  
 dij, Procyonis Dominicani facem in Stellato Illustrissimo Patriarchæ cælo  
 dum quærit, etiam sese Planetam in Quadratura mox in Plenilunio annu-  
 merauit. Rectè flammifera CYNTHIA sancta Mundo concedenti incendia Illu-  
 strissimo Prædicatorum Ordini THOMA Te dedisti, à cui s ignibus & So-  
 le DOMINICO maius posses lumen mutuari, & ipse splendore Tuæ sapientiæ  
 & uirtutis pulchrius nitescere. Et jam egressum domo læta suscipit Sanctis-  
 sima Religio, ubi uirtutem & Sapientiam admirabili fœdere coniungit.  
 Non vni Natus Mundo, prodit in delitium Cæli THOMAS, ut qualem in-  
 tra claustralia recta vnumquemque viuere deceat vitam, publicè viuens de-  
 monstret. Non enim priuatus uiuere debuit, publico natus bono, nec libera-  
 lis Parens lucis communem celare vult gratiam Cynthia, & splendoris vir-  
 tute errabundos recreat, & humiditatis fauore languidos reficit. Togam  
 professionis præit Prætexta Nouitiatus, non alienarum tamen spectator vir-  
 tutum voluit esse, sed speculum in se exhibuit. Uidisses cum ætate crescen-  
 te in luce uirtutis crescentem Quadraturam, & ubi abiecto de se sensu san-  
 ctioris vitæ scintillas & igniculos sepeliret, ibi multiplici exemplo erumpe-  
 bat flamma tandem aliquando in sublimi spectanda. *P. Clamat vestis candida*  
*animi honestatem, clamat status, puritatem: clamat vultus castitatem: professio religio-*  
*æm, officium deuotionem: studium contemplationem clamat,* inuenit id totum quis-  
 quis voluit in candidissima cæli Præconum Domini CYNTHIA, nihil in ea vel  
 cum Cynici face erroris contra candidam inuenisses Togam, nec Mopsi in-  
 dagine contra institutum Religionis aliquam cogitationem: in eo candor ve-  
 stitus, candorem mentis, triste pallium amicas modestiæ umbras notarunt,  
 ut iam & vultus & sermo index animi, & vestium color animi nota. Sed  
 cursus Lunæ huius & linea per oppositum Augis æternæ. Currit Cynthia  
 Diva in æternam stationem, in opposito Apogæum felicitatis: confluent  
 turbidæ Erebi faces à latere, Planetam à cursu detinere, ut retrogradum  
 valeant efformare. Diue Iuuenis caue ne lux tua umbris inferni obscure-  
 tur. Sed nec Solem nec cæli Lunam detinent ferocia Zodiaci monstra, nec  
 blandientes Virgines. Contra Cynthiam nostram non præuelebunt portæ in-  
 ferni, nec potentia obumbrabit. Crassæ nubes doloris & gemitus, hinc ab  
 orbata Matre, illinc à focijs Plutonis excitatæ, lucem Mundo eripere co-  
 nantur. Sed Zephyris gratiarum Dei fugatæ primum Machiuellorum stra-  
 tagema in fauillam cessit. Erumpit iterum contra lucem Ecclesiæ THO-  
 MAM rabiosa Erinis. *q* Saturno ferocior ablegatum de conspectu quærit  
 Filium: rapit de sancto Conuentu Nouercam induta Mater: ibi nihil Auo-  
 rum, Atauorum, familiæ valuere splendores, quos maximè effugebat: fatu-  
 os ignes reicit Ignis Cæli THOMAS, nec fulmina, tōnitrui timet Planeta  
 flabra hæc ignem CYNTHIÆ magis suscitant non obruunt. Prodit compta  
 in incarcerationi Iuuenis lenimentum *r* Aglaonice, cui non mirum erat Lu-  
 nam de Cælo detrahare, etiam nunc Lunam decælo æternitatis evocare pro  
 ludo fore sibi putat: jam impudens *f* Fulua Caunio amore quæstum pro-  
 curat; sed non hic cælum, non animum non splendorem mutat, qui etiam  
 nunc extra claustrum abiit. Lunam cæli detinet Caput Draconis, Fortior  
 nostra quam nec caput nec cauda uenientis terruit Draconis: etiam MEDI-



IS FORMOSA IN VMBRIS. Ignea amoris Diuini stella, ignem in sui vocat auxilium: obediens elementum properat: arripit Diuus in Erebi lernā ignitum titiōnem, aggreditur, fugat, insequitur. Et bene est in cassum pharetratus intendit sagittas Cupido, alta petit CYNTHIA, & in cursu suo velox est. Disperfit Planeta noster luce timoris Diuini umbras damnatæ nequitiei. Vicit Diuinissimus THOMAS titiōne in signum Crucis, vt vnde Sol Iustitiæ Christus radios Mundo salutis misit, inde CYNTHIA Solis æterni famula & ipsa triumpharet, & Mundo in trophæum assurgeret. Daret triumphum Cæli Sphæræ, cū luminare hoc de umbra vix non eclipsationis elabatur. Attollite portas Principes Poli, & eleuate triumphales arcus, introibit triumphator castissimus Mundi: soluite cardines biennalis carceris, in sphæram suam reuertatur Astrum: nam INNOCVVM NEC VINCLA RETINENT. † Petrus prima Ecclesiæ angularis Petra nec erubuit de nocte Tullianum deferere. Nec Tu Diuinissime THOMA amplius sæuientis Matris patiaris rabiem, en in ianuam assurgit fenestra. Ereptus benè, abiit jam redijtq; Neapolim. Jam ergo Lucidissima CYNTHIA nostra in Quadro posita Quadraturam patitur. Vbi fortiter umbrosas imagines & splēdores Maiorum suorum fugit, ab Illustrissimo æternitatis Phæbo in cælo Dominici illustratur. Perfice quantocius cursum & sta in Plenilunio: sed denegat ob humilitatis & modestiæ amorem, en in studio Philosophico Maximus sub Magno Professore THOMAS Alberto, & hīc confitetur se veram CYNTHIAM. « Recordor extulisse quondā Ægyptios cō excellentiæ Lunā, vt cū Solem Osirim vocauissent Lunam Isim publicarent. Benè Sol Osiris est qui centoculus terrarum flammis opera omnia lustrat. Nec in CYNTHIAM peccauēre, quæ Isis, cui in holocaustum publicus consensus ducebat Bouem. O sanctissime Planeta siue ubi radijs Tuis ampliora debentur spatia sub Symbolo hoc detinentur. Credo ego extra Axioma esse. Lunam in Quadratura eclipsari, nisi in Plenilunio. Tu Lucem obumbras Tuam, ubi Orbi innotescendum est, eclipsaris umbrā Tuæ tarditatis ingenij, & linguæ quæ tandem Orbi & Cælo in stuporem & venerationem assurrexerunt: sed disertissimus cū taceret, & qui se elinguem fecerat fuit vir omnium linguarum. In Orbis Terrorem Solimanus Turcarum Cæsar Odrysiæ suæ Lunæ indidit Lemma. REDIBO PLENIOR placeat nobis Lucidissimæ CYNTHIÆ nostræ in Quadratura splendenti idem apponere. Redibo Plenior.

Et jam in plenitudinem laudis Diuinissimi THOMÆ mea assurgat Oratio, cum assurgente in Plenilunium CYNTHIA. Orbis ea dignitas, inter diurnas delicias Solis faciem, inter Nocturnas umbras Lunæ contemplari, Soluit equos in quietem Phæton, quos auersos Mundus luget sago vestitus tenebroso; conscendit Horizontis limbum in choreas & ludus noctis cum plena facie Luna. Et in opposito lineam medij Motus sui cū Sol projectat ad Lunam, etiam eadem in eodem. Magnus noster Magni Discipulus THOMAS & jam in plenissima scientiarum perfectione supra laureatos ipsos est Philosophos, renuit dare caput suum Doctorali coronæ, vel à solo dignè coronandus Cælo, cui Angelorum Cathedra cessit & Professio. Non debes Terra præsumptuoso spiritu Tuum habere Discipulum, quem Cælum genuit sibi Magistrum, & à solo hic & voluit & condignè potuit Cælo coronari. Ast submitte jam dignum verticem Tuum non fertis modo Poli sed Terrenis quas facultas Philosophica & Theologica innectit Tibi. Laurus adoleuit non quam mereris, sed quæ potest conferri. Sternit ad pedes

B

Tuos



Tuos sacros Herbam Epomidemque Socrates, nec Plato Orbem Lunæ laureatū Tuis donare audet temporibus, & cum Romanis pedibus apponit. Stagyrea Porticus lugubrem quadratum horret dare, quem à Cæli Promotore breui promouendum audiet. Fugit emerita virtus pomposas laurus, nec Diuinissimus Philosophiæ ac Theologiæ studens eas quærit. Sed fugientem insequitur honor, & vicit humilem THOMAM totius expectatio Ordinis & Terræ. Philosophum & Theologum iam mireris. Plenus scientiarum luce, qui plenitudo sapientiæ & in Plenilunio: Magistrum sententiarum illustrat, cum enodat. Parisiensem illuminat totius Prædicatorum Orbis sphæram cum non verba Doctor, sed lucem fundit. Ad mensam Regis Gallorum non eclipsatur Plenissima, quæ terras radijs Angelicæ sapientiæ umbras fugauit, dissipauit. Orbis totius Oraculum Lugdunense Concilium sine Diuinissimo non plenum Doctore. Ecclesiæ tunc & Mundi Sol X Gregorius cursum Plenissimi syderis Nostri Lugdunum dirigit, vt à Plenilunio Lucidissimi Doctoris suam & potestatem capiat & splendorem. Et jam à Sole ipso æternitatis illuminata in Plenilunio CYNTHIA Aquinatica. *Benè de me scripsisti THOMAS*, nequit eclipsari, cui in maius lumen Cælum in præuium perorat. *Quam ergo mercedem vis, Non aliam nisi Te Domine.* Fælix tantâ gratiâ & luce sæculum, cui extra prodigium binæ in ornamentum assurrexere Lunæ; eò sanè fortunatius Insulis Fortunatis quo ætatis nostram viuentium memoria, Thracia Luna mortalium sanguine purpurea in totius horrorem Mundi nata indies in maius abit Plenilunium. y Cælum Tibi arridet Biarmia cuius Luna nescit decrementum, nec augmentum suscipit, semper in Pleno: eò mundus in spectanda Lunæ Aquinaticæ dignitate Te inferior, quò primatum omnium hucusque tenuit. Abijt iterum Illustrissima CYNTHIA in Quadraturâ non virtutis nec sapientiæ, sed vitæ mortalis: z *Oritur Luna & occidit, & ad locum suum reuertitur, renascens gyrat per meridiem, & flectitur ad Aquilonem.* Vidimus Plenissimæ Nouilunium cum Ortum; Quadraturam, cum ascensum ad Apogæum sapientiæ: Plenilunium, cum stationem in Auge Mæsti nunc Quadraturam iterum contemplemur. Corpus annis defatigatū jam undè natum in originariam vocatur Terram, post meridiem occasus imminebat. Vale igitur Terra splendidissima CYNTHIA Aquinatica de Hemisphærio mortalium intra lugubrem occidit Horizontem cum THOMAS moritur a sic truditur dies die, nonaque pergunt interire Lunæ. Sed quid iuat funera toties deplorata importuno flectu reducere ad feralem pompâ. Verum fateor mortem Magni b Myrmidonum etiam & Delopum durissima afficere corda, & ipsius etiam inuidiæ lachrymas mereri, sed immortalis & excelsus animus non cadere potest nec iacere, semper ille erectus stat, vt intra perennaturæ felicitatis gloriam recipiatur. Occidit de mortalitatis statu CYNTHIA Aquinatica, sed æternitati orta: Occasu Acronico abijt intra Horizontem vitæ, ubi Sol Lucis & vitæ fons Christus c 7. à Calendis die iniquæ gentis cum subiit mortis decretum, die Parasceues subiit & occasum, etiam Aquinaticum luminare 7. à Calendis die ipsis Marij Nonis cum occidente occidit Sole. Et jam mortalitatis venit in punctum CYNTHIÆ cursus, sepulchrali demandatur lapidi corpus Diuinissimi Doctoris: d loqui Megarensium Mænium lapides oriens quondam docuit CYNTHIA. à Saxis his quæ sepulchrali imposita Moli cernis Viator flebilem extorquet vocem. CYNTHIA Moriens, quæ lætos secum Terræ uti attulerat, ita abstulit dies: sed quisquis hunc prætergrederis tumulum, non totum in vrna require THOMAM, qui meliore sui parte æternitatem complexus iam potitur Cæ-

lo.

x Plut: in Probl: y Olaus. L. 1. C. 2. z Eccl: 1. s Horat. b Strab L. 7  
& Virg: a Ætuid: c Anno 1082. die 26. Martij, d Ouid: L. 8. Met.



lo. Nomen illius inter angustias claudi unius sarcophagi minimè potest, *e etiam lapides clamabunt.* f *Arcâ Lunam ne claudito ordo Sanctissime:* non impedit hæc umbra illius lumen, nec communes istæ tenebræ laudes retardant nunquã eclipsari gnara inter sepulchrales non eclipsabitur tenebras CYNTHIA. g *Virtus sepulchri nescia funebrem nec nescit umbram.* h *Idem Phosphorus aspicit magnum quem tenuem viderat Hesperus.* Nec patitur Oceanus Cimelia sua abscondi, quæ si non inueniantur etiam in littora proijcit. Fodinas opum suarum tellus certis metallorum indicijis prodit. Rumpit corinam suam olea, sudant oppobalsama. Nec splendor splendidissimæ Aquinatice CYNTHIÆ nube obuoluetur sepulchrali, rumpet eam diffusa in Orbem charitas vt tantò celerius eius erumpat claritas, quò citius fidelium erupra oculis. non aded tamen eclipsata est, vt periret. etiam rapida in Zwingliani ac Luteri rabida dogmata è tumba Diui ac ejus calamo resurgent arcana, vnde Ecclesiæ Romanæ Vigor reniteret: etiam à cinere Diui reuiuifcet meliori jure Metempsichosi Pythagoreâ vitâ spoliatorum cinis, ad quem & agonizantium melior in vitam à morte, à Parcis ad renatam Lucinam, agon, & Heracliti in Democritos stupenda Metamorphosis, vbi Sola CYNTHIA dabit mæstis solatia.

Atque Occidentem inter mortalium gaudia cum mærore Sanctissimum Doctorem mea sectatur etiam in occasum Oratio. Vidimus siue ab Illustri Aquinatum familia, siue à cælesti lucis fonte radiantem in Nouilunio, à splendidissimo Dominican Firmamenti decore in Quadratura prima, à Clarissimo scientiarum splendore in Plenilunio Orbi nitentem Vniuerso CYNTHIAM, ac tandem medios inter labores occidentem in Quadratura ætatis: assurgant vota nostra in sanctissimi Cælorum Ciuis, Polonorum Patroni, Angelorum Doctoris honorem, & noua obligationis voce venerabunda virtutum admiratione CYNTHIAM Aquinaticam æternè ueneremur. Gaude iam inter gratulatorios totius Orbis & Cæli applausus Inclyte & florentissime Ordo Prædicatorum: Tibi cum mundus debeat maximas gratias etiam Cælum in Tuas assurgit. Ruisset pridem fatali occasu in præceps Terra, nisi Rosæ Tuæ Marianæ in Rosario, stellæ & ornamenta in Cælo succurrissent, gaudent elati Poli, quibus in decus noues mittis & foues Ciues: est vnde gloriæ Magne Ordo aliorum facundis non vtiq; indigus laudibus, cui domi lucidi Soles, domi splendida nascuntur Sydera: supra hæc tamen Sydus Aquinaticum, ceu CYNTHIA inter minora Astra, habes, quod fulget: lumine suo decus Ecclesiæ, ornamentum Orbis, Scholas Academiæ, Cathedras Scholarum in immensum augens. Iam igitur sta in æternitatis Auge nunquam stationaria CYNTHIA, fidei Doctor, summa Theologiæ, Amplissime ac Diuinissime THOMA, habet Te suum æternitas Ciuem, cui perpetuum sine occasu concedit orientem. Age nescium umbræ Lucis & Luminis Sydus Thraciam noctium Præsidem Lunam Tuâ obfusces claritudine, nec mirum est minora ad maiorum lucem obscurari sydera. Accurrimus ad Iubar Tuum supplici fidenti; voto petentes, ut Serenissimæ Inuictissimi Regis nostri IOANNIS III. affulgeas Majestati, Polonæ faueas saluti: Catholicæ Religioni promideas Doctores Doctor Sanctissime; Almæ Matris mæ Cracouiensis Academæ constantem sceptris ut Rector & Doctor reddas fulgorem. Lubransiani Collegij Pinus dilates frontes. vt per Te Aurei Ecclesiæ, Patriæ, Academæ, Vrbi huic fulgeant Soles & Lunæ, per Te CYNTHIAM, Hori zonti Polono imminens deturbetur Odrysia Luna.


DIXI.







Biblioteka Jagiellńska



stdr0026725



